

ris, quæ in veteri testamento præcesserunt. Nam sicut esus Agni Paschalis Dei populum illesum, & incolumem ab Angelo exterminatore seruauit: & Manna ab infirmitate, quæ ut dicitur. Psal. 104. Non erat in tribubus eorum infirmus. Sic istud Sacramentum liberat à morte culpe mortalis, & ab infirmitate venialis.

¶ Quarto doceat Parochus, quod ex primario effectu huius Sacramenti [hoc est gratiam conferre] sequitur tertius effectus, scilicet, quod remittit peccata; venialia quidem duplici via. Prima, quia sicut per nutrimentum corporale acquirit homo calorem deperditum: sic per huiusmodi Sacramentum quod est Spirituale nutrimentum resumit homo quicquid feruoris, Charitatis, per peccata venialia est imminutum, & sic ipsa venialia remittuntur. Secunda via est, quia Sacramentum istud dignè sumptum excitat feruorem Charitatis, qui delet peccata venialia, quando non est eorum complacentia. Vnde si quis suscipiens hoc Sacramentum habet septem peccata venialia, & in vno tantum complacet omnia alia remittuntur per Eucharistiam, & vnum solum manet: non enim sunt simul in remissione hæc peccata sicut mortalia, quia